

**ATASSUT****UPA 2016/135****Siverth K. Heilmann****27. 04. 2016.**

**Aalisarnek pillugu Inatsisartut Inatsisaat allanngorteqqullugu imaalillugu Kalaallit Nunaata kitaani raajanut TAC-ip agguanneqarnerani sinerissap qanittuani aalisartunut avataasiortunullu assigiimmik 50/50-ngortillugu suliareqqullugu Naalakkersuisut peqquneqarnissaannik Inatsisartut aalajangiiffigisasatut siunnersuut.
(Inatsisartuni ilaasortaq Nikolaj Jeremiassen, Siumut)**

Inatsisartuni ilaasortaq Nikolaj Jeremiassen, Siumut aalajangiiffigisasatut siunnersuutaanut soqutiginarluinnartumut qujalluta, imatut ATASSUT-miit oqaaseqarfigissavarput.

Raajartassat TAC-ip annertussusilerneqarnissaanut atatillugu ukiorpanngortuni, pingaartumik KNAPK-miit, sinerissami qanittumi avataasiortunilu, naligiinnerusumik agguasoqartarnissaa kissaatigineqartarpoq.

Siunnersuuteqartup tunngavilersuutai ersarilluarput assertorneqarsinnaanatillu, taamaattumik ATASSUT-miit aalisarnermi kattuffiit marluk akornanni GE aamma KNAPK naligiimmik avitseqatigiinnerit anguneqassappata, avataasiortut nunamut tulaassisussaataasarnarata atorunnaarsinneqarnissaa ATASSUT-miit ammaffigaarput.

Isumaqatigiittoqarsinnaappallu pisassiiffiusup tullissaanut atuutilersinneqarnissaa ATASSUT-miit inassutiginarillutigu. Avataasiortuniluni raajarniartut toqqaannartumik pisaminnik avammut tunisassiorusuttarnerat, taamalilluni qanilliarujussuartinneqarsinnaavoq.

Taamaallilluni aamma sinerissami qanittumi raajarniat avitseqatigiinnerup kingunerisaanik ataavartumik aalisaannarsinnaanerat nunamullu tulaassuiinnarsinnanerat aqutissiuunneqassammat ATASSUT-miit tapersorsorparput.

Periarfissaq iluatsillugu inatsisartunut Naalakkersuisunullu ATASSUT-miit eqqaasissutigerusupparput, sinerissap qanittuani raajarniartartut illersorneqarnerisa sakkukillisinneqannginnissaat.

Taamatut oqaaseqarluta ATASSUT-miit siunnersuuteqartoq siunnersuutaa tunngavilersuutaalu tapersorparput aamma aalisarnermut inatsimmut pisassanik niuveruteqartarnermut naleqqussaasinnaaneq ilanngulugu, aalisarnermut ataatsimiititaliaanut suliap aappassaaneerneqartigani peqqissaarullugu suliarineqarnissaa inassutigaarput.

Qujanaq.